

Канон благоверной княгине Анне Кашинской

Память празднуем 12 (25) июня

Тропарь, глас 3-й

Днесь восхваляем тя, преподобная матери, великая княгине инокине Анно: яко бо лоза плодovита посреде терния, процвела еси во граде Кашине твоими добродетельми, всех удивила еси чудным твоим житием, темже Христу Богу угодила еси, и ныне, радуешься и веселясья, пребываеши с лики преподобных жен, наслаждающихся райския красоты и веселия. Молим убо тя: моли о нас Человеколюбца, Христа Бога нашего, даровати нам мир и велию милость.

Ин Тропарь, глас 4-й

Просветившись Божественною благодатию, преподобная, и правостию умною душу твою привязавши в любовь Христову, тленныя, и красныя, и временныя ничтоже вменила еси. Крестным знамением на мысленныя враги мужески вооружившись, постническими подвиги, постом и молитвами углие страстей угасила еси, достославная Анно, и по смерти источаеши благодать притекающим к мощем твоим. И ныне, в Небесном Чертозе с мудрыми девами предстоящи Христу, моли о нас, почитающих святую память твою.

КАНОН, глас 3-й

Песнь 1

Ирмос: Воды древле манием Божественным во едино сонмище совокупивый и разделивый море израильтеским людем, Сей Бог наш препрославлен есть, Тому Единому поим, яко прославися.

Припев: Святая благоверная княгине-инокине Анно, моли Бога о нас.

Даждь ми, Господи, разумение, да достойно воспую и прославлю благоугождшую Ти преподобную мать, прежде бывшую великую княгиню Анну, и возопию Тебе, Христу моему, яко препрославлен еси.

Святая благоверная княгине-инокине Анно, моли Бога о нас.

О тебе, блаженная матери Анно, хочю ныне язык подвигнути и Слово прострети: споспешествуй ми, недостойному, молитвами твоими, да достойно восхвалю тя и воспую Господеву моему, яко прославися.

Слава: Со младых ногтей твоих страх Божий имела еси в сердце твоём, блаженная, егоже до конца содержала еси, укрепляема Божественною благодатию, тем и душу твою спасла еси, вину поющи Христу, яко прославися.

И ныне: Тобою, Пречистая Владычице, от всех родов предызбранная Дево, весь мир обновися, и весь род человеческий от лести диавольския свободися, и вопиет ко Христу, яко прославися.

Песнь 3

Ирмос: Неplодная душе и безчадная, стяжи плод благославный, веселящийся, возопий: утвердихся Тобою, Боже, несть свят, несть праведен, паче Тебе, Господи.

Святая благоверная княгине-инокине Анно, моли Бога о нас.

Око душевное чисто и здраво имела еси от юности твоея, блаженная, имже всегда зрела еси к Горнему Селению, егоже и достигла еси, и ныне Христу воспеваше: несть свят и несть праведен, паче Тебе, Господи.

Святая благоверная княгине-инокине Анно, моли Бога о нас.

Из благочестиваго корене произрсла еси, блаженная, и, во вся дни жития твоего с супругом твоим чисто и непорочно пребываючи, вопияла еси ко Христу: несть свят и несть праведен, паче Тебе, Господи.

Слава: Ничтоже пред Богом вяще есть доброты душевныя. Ты же, преподобная мати, соблюла еси ю непреткновенно, вопиючи ко Христу: несть свят и несть праведен, паче Тебе, Господи.

И ныне: Отроковице Чистая, Мати Господа нашего, помози ми, недостойному рабу Твоему, воспети угодницу Сына Твоего и Бога моего, преподобную мать Анну, и рещи ко Христу: несть свят и несть праведен, паче Тебе, Господи.

Господи, помилуй (трижды).

Седален, глас 3-й

Воспитана была еси, блаженная, от рождших тя в заповедех Господних, яко лоза в красноцветущих виноградех, тем тя ублажаем и святую память твою верно почитаем. Моли Христа Бога, да спасет души наша.

Слава, и ныне: Света Превечнаго, от Отца прежде век рожденное Слово Божие, родила еси нам, Пресвятая Владычице, Христа Бога нашего, Имже вселенная от тли смертных свободися, тем Тя непрестанно с Ним поем и величаем.

Песнь 4

Ирмос: Покрyla есть Небеса добродетель Твоя, Христе, из Кивота бо прошед святbни, Твоя Нетленные Матере, в храме славы Твоя явился еси, яко Младенец руконосимь, и исполнишася вся Твоего хваления.

Святая благоверная княгине-инокине Анно, моли Бога о нас.

Преукрашена была еси, преподобная мати, добродетельми твоими, яко цветы благоуханными и яко камением драгоценным. Тем и угодила еси Нетленному Царю и Владыце всех, Емуже и воспела еси: Господи, исполнишася вся Твоего хваления.

Святая благоверная княгине-инокине Анно, моли Бога о нас.

О, твердое основание веры, о, любви к Богу крепкая! В женском бо естестве мужески победила еси невидимаго врага супостата и тако угодила еси Христу, вопиючи: Господи, исполнишася вся Твоего хваления.

Слава: Христов храм была еси, преподобная мати, твоею чистотою и целомудрием и прочими добродетельми, темже вместила еси в себе Святого Духа, к Немуже и возопила еси: Господи, исполнишася вся Твоего хваления.

И ныне: Воистинну всех тварей вышши явилася еси, Владычице, и кто

довóлен по достоя́нию изрещи́ вели́чие Твое́? Простра́ннее бо небéс яви́ся чре́во Твое́, в нёмже носила́ еси́ все́ми Невмести́мага́ Бóга, к Немúже и мы вопи́ем: Гóсподи, испол́нишася́ вся Твоегó хвалéния.

Песнь 5

Ирмос: Яко́ ви́де Иса́ия обра́зно на Престо́ле превознесéна Бóга, от Ангел Сла́вы дориноси́ма, о, окаянный, – вопи́яше, – аз! провидéх бо воплоща́ема Бóга, Свéта Невечéрня и мiром влады́честву́юща.

Святáя благовёрная кня́гине-и́нокине Анно, моли́ Бóга о нас.

Аще и во благодёнствии пребывáла еси́, блажéнная мáти, и вся́ко избóбиле близ себé имéла еси́, ника́коже вдалáся еси́ на покóй и весéлие пи́щное, но, зéльным трудóм и воздержáнием тéло твоё удруча́ющи, воспева́ла еси́ Женихá твоегó, Христа́, Свéта Невечéрня и мiром влады́честву́юща.

Святáя благовёрная кня́гине-и́нокине Анно, моли́ Бóга о нас.

Любóвию Христовóю уязвивши́ся, блажéнная мáти, вели́кая кня́гине и́нокине Анно, я́ко доброплóдная лозá в виногра́де, процвела́ еси́ во гра́де Кáшине благо́ми твоими́ дея́нии и победи́ла еси́ бесóвския полкí, воспева́ющи Христа́, Свéта Невечéрня и мiром влады́честву́юща.

Слава: Истинным свéтом Христовым осия́на была́ еси́, мáти святáя, вели́кая кня́гине и́нокине Анно, насыща́ющися вéлия благодáти и воспева́ющи Егó, Свéта Невечéрня и мiром влады́честву́юща.

И ныне: Ты́ úбо, Чистая́ Мáти Госпóдня, чистотóю и дéвством всех превзошлá еси́ тёмже избрáна была́ еси́ в Бóжие вместилище и родилá еси́ нам Христа́ Бóга нáшего, Свéта Невечéрня и мiром влады́честву́юща.

Песнь 6

Ирмос: Бёздна послéдняя грехóв обы́де мя, и исчеза́ет дух мой; но простры́й, Влады́ко, высо́кую Твою́ мы́шцу, я́ко Петра́, мя, Управителю, спаси́.

Святáя благовёрная кня́гине-и́нокине Анно, моли́ Бóга о нас.

Из благочестиваго кóрене произра́сла еси́, преподóбная мáти, вели́кая кня́гине и́нокине Анно, благочéстием же и вéрою, я́ко цвет, процвела́ еси́ во твоём отéчестве, во гра́де Кáшине, и прешлá еси́ к Гóрнему жителству́, вопию́щи ко Христу́: я́ко Петра́ мя, Управителю, спаси́.

Святáя благовёрная кня́гине-и́нокине Анно, моли́ Бóга о нас.

Воистинну́ достóйна еси́ похвалы́ вéлия, преподóбная мáти, вели́кая кня́гине Анно, я́ко в жéнстем естестве́ мýжескую крéпость имéла еси́, и победи́ла еси́ супостáта диáвола, и воспева́ла еси́ ко Влады́це Христу́: я́ко Петра́, мя, Управителю, спаси́.

Слава: Ей, воистинну́ свéтел и тверд ум имéла еси́, преподóбная, вся́ бо красная́ мiра сегó, я́ко умéты, вмени́ла еси́, блажéнная, и ничтóже возмо́же поколебáти непорóчную твою́ дúшу, внемдá воспева́ти ти Христу́: я́ко Петра́, мя, Управителю, спаси́.

И ныне: Лéстным úбо зми́йным преступлéнием низпадóхом, но с Сы́ном Твоим, Исусом Христом, Бóгом нáшим, совоста́хом, Мáти Госпóдня, Егóже родилá еси́ нам, Свет, и Живóт, и Воскресéние.

Господи, помилуй (*трижды*). Слава, и ныне:

Кондак, глас 4-й

Яко пресвѣтлая звезда, явилася еси в Россійстей землі, во граде Кáшине, преподобная мáти Анно, во всех благочестивых и вѣрных женах, áки крин, процвела еси чистым и непорочным твоим житіем, во инокинях же совершенными твоими труды и подвиги, и возшла еси к Вышнему граду, радуясь и веселясь, яко добре совершивши твоё течение, и ныне честныя твоя мѡщи, áки бисеріе драгое, явишася, на исцеление всем, приходящим с верою. Тем и вопіем ти: радуйся, всекрáсная душею, и моли Христа Бѡга о спасеніи душ наших.

Икос

Приидіте, вси благовѣрнии людіе, воспойм и прославим преподобную великую княгиню инокиню Анну и тако к ней возопіим: радуйся, мáти святáя, великоименитая княгине инокине Анно, яко от юности твоея возлюбила еси Христа и по заповедем Его шествовала еси; радуйся, яко зельным твоим воздержаніем тѣло твоё удручила еси. Радуйся, яко сподобилася еси от Бѡга дара чудотвореній; радуйся, яко озари Бог сѣрдце твоё, во еже восхотѣти обещіся во иноческое одеяние и последовати Христу. Радуйся, нищим питательнице и сирым заступнице; радуйся, всем російским женам похвалó и утверждение. Радуйся, всей Россійстей странѣ твёрдое удобрение; радуйся, яко вмѣсто земнаго царства Небесное обрела еси. Радуйся, яко по смѣрти твоей тѣло твоё в недрах землі не подвержесе тленію; радуйся, яко предстоиши с лики святых и преподобных жен Невечернему Свету и молишися о спасеніи душ наших.

Песнь 7

Ирмос: Якоже дрѣвле благочестивыя три óтроки оросил еси в пламени халдейстем, свѣтлым Божествá огнём и нас озари, благословен еси, зывающія, Бѡже отец наших.

Святáя благовѣрная княгине-инокине Анно, моли Бѡга о нас.

Истинно велие чúdo явися во граде Кáшине, яко честныя твоя мѡщи многа лета землёю покровены быша, ныне же Бѡжиею благодатию явишася верху землі на исцеление всем, приходящим с верою и вопіющим: благословен Бог отец наших.

Святáя благовѣрная княгине-инокине Анно, моли Бѡга о нас.

Како возможем не дивитися Тебѣ, блаженная мáти? Пребыла бо еси, áки свещá светящи, посреде російских жен чудным твоим житіем, выну воспеваючи: благословен Бог отец наших.

Слава: Утверждена была еси, мáти преподобная, áки адамант крѣпкий, добродѣтельми твоими и, яко невеста, украшена была еси моністы златыми – дѣлы твоими благими, воспеваючи Христу благословен еси, Гѡсподи Бѡже отец наших.

И ныне: Юницу Тя несквѣрную, Дѣву и Богородицу, издалеча пророцы имены различными нарекоша: ин бо Тя гóру мысленну нарече, другій же – Родительницу Бѡжию, ов же – руно, ов же – священную дверь. Тѣмже и мы вси достойно Тя поём и славословим во вѣки.

Песнь 8

Ирмос: Служити Живо́му Бо́гу в Вавилоне́ отроцы претерпéвше, о мусикійских орга́нех неради́ша и, посреді пла́мене стоя́ще, Боголе́пную песнь воспева́ху, глаго́люще: благослови́те, вся дела́ Господня́, Го́спода.

Святáя благовѣрная княгіне-інокине Анно, моли́ Бо́га о нас.

Ка́ко изглаго́лю вели́чие Бо́жие на тебѣ, преподóбная ма́ти Анно, я́вльшеся? Я́ко по толи́цех лѣтех обрето́шася мо́щи тво́я нетлѣнны, на удивлѣние всем челове́ком, пою́щим: благослови́те, вся дела́ Господня́, Го́спода.

Святáя благовѣрная княгіне-інокине Анно, моли́ Бо́га о нас.

Ничто́же есть дража́йше пред Бо́гом добродѣтельныя души́, ея́же весь мир недостóин. Тѣмже и ты, преподóбная ма́ти Анно, па́че всего́ прилежа́ла еси́ о сицевѣ́й безсмѣртней вѣщи, пою́щи: благослови́те, вся дела́ Господня́, Го́спода.

Слава: Я́ко свещу́ свѣтлу, угото́вала еси́ кро́ткую ду́шу твою́, преподóбная ма́ти Анно, тѣмже по смѣрти твоѣ́й мно́га исцелѣния недужным изля́шася от честныхъ мо́щей твоихъ. Сего́ ра́ди мы вопи́ем: благослови́те, вся дела́ Господня́, Го́спода.

И ны́не: Го́спода моего́ и Бо́га Ро́ждшая, Ма́ти Безневѣстная, дерзнове́ние иму́щи к Нему́, заступи́ и сохрани́ мя Твои́м ходата́йством, я́ко да воспóю: благослови́те, вся дела́ Господня́, Го́спода.

Песнь 9

Ирмос: Сла́дкою Пречи́стаго Твоего́ Рождества́ стрело́ю уязвлѣни, Чи́стая, Твоѣ́й достожелáнной доброте́ дивя́щася, пѣсньми Ангельскими́ достóинно Тя я́ко Ма́терь Бо́жию велича́ем.

Святáя благовѣрная княгіне-інокине Анно, моли́ Бо́га о нас.

Ими́же вѣсть судьба́ми прославля́ет Господь́ святы́я Сво́я, их́же имена́ напи́сана суть на Небесі́ в кни́гах живóтных, То́йже и ты просла́ви Свои́м милосѣрдием, преподóбная ма́ти Анно. Тем ты поѣм и велича́ем.

Святáя благовѣрная княгіне-інокине Анно, моли́ Бо́га о нас.

Ны́не с ли́ки Ангельскими́ на Небесѣ́х предсто́иши Влады́це всех, преподóбная ма́ти Анно, моля́щи о гра́де твоѣ́м и о чтя́щих вѣрою святу́ю па́мь твою́, недужующим же подаю́щи исцелѣние от честныхъ мо́щей твоихъ. Тем ты поѣм и велича́ем.

Слава: Юна́ ещѣ́ вóзрастом бѣ́вши, преподóбная ма́ти Анно, тѣсным и приско́рбным путе́м шѣствовала еси́, всякія сла́дости, я́ко гóрести, отвраща́ющися, ны́не же дости́гла еси́ неизречѣнныя ра́дости. Тем ты поѣм и велича́ем.

И ны́не: Аарóнов жезл прозябѣ́й, Влады́чице, прѣ́жде непло́ден бѣ́в, по́слежде цвет и плод испусти́; та́кожде и Ты, Пресвятáя Дѣво, безму́жно родила́ еси́ Христа́ Бо́га на́шего. Тем Ты поѣм и велича́ем.